



JABATAN PERKHIDMATAN VETERINAR

LAPORAN PEMANTAUAN MEDIA

16 OKTOBER 2024 (RABU)

Strategi Tingkat Pengeluaran Daging Lembu Tempatan

MEDIA

Kosmo

RUANGAN

K2

MUKA SURAT

22

TARIKH

16 Okt



Varia

Oleh
**PROF. DATUK DR.
QUAZA NIZAMUDDIN
HASSAN NIZAM**

DAGING lembu atau kerbau merupakan sumber protein penting yang menyokong keperluan asid amino serta mikronutrien bagi pemakanan serta kesihatan manusia.

Pada 2005, penggunaan daging lembu dan kerbau di Malaysia berjumlah 138,980 tan metrik berbanding 244,801 tan metrik pada tahun 2022, iaitu peningkatan sebanyak 76 peratus.

Ini mencerminkan kadar peningkatan purata sebanyak 4.47 peratus setiap tahun. Jumlah penggunaan daging sesebuah negara secara lazimnya adalah berkadar terus dengan peningkatan populasi dan pendapatan rakyat.

Sementara bekalan tempatan untuk kedua-dua jenis daging tersebut mengalami penurunan.

Hasilnya, kadar sara diri telah berkurangan dari 23.6 peratus pada tahun 2015 menjadi 14.7 peratus pada tahun 2022. Ini bermakna, sebanyak 85.3 peratus keperluan daging lembu dan kerbau di negara ini perlu diimport.

Secara terperinci, trend populasi lembu dan kerbau menunjukkan penurunan dari 914,548 ekor pada tahun 2005, kepada 801,614 ekor pada tahun 2022.

Ini bermakna, antara tahun 2005 hingga 2022, negara telah mengalami pengurangan ternakan sebanyak 12.35 peratus. Penurunan populasi ternakan boleh juga dikaitkan dengan kadar penyembelihan yang tinggi, di mana pada tahun 2015, daripada 149,174 ekor lembu dan kerbau yang disembelih, 45.6 peratus adalah sumber tempatan.

Namun pada tahun 2022, dari 125,313 ekor yang disembelih, sebanyak 90.1 peratus diperolehi daripada sumber tempatan. Kenaikan peratus ternakan yang disembelih daripada sumber ternakan tempatan akan mengugut kestabilan ternakan.

Kajian telah menunjukkan bahawa jika jumlah penyembelihan, penyirngkiran serta kematian lembu dan kerbau setiap tahun melebihi jumlah penggantian melalui kelahiran atau tambahan ternakan baharu import, maka akan berlaku pengurangan populasi ternakan.

Jabatan Perkhidmatan Veterinar di bawah Kementerian Pertanian dan Keterjaminan Makanan telah melaksanakan pelbagai program serta inisiatif. Ia bagi mempertingkatkan dan memperkembangkan pengeluaran lembu serta kerbau secara tempatan, namun usaha-usaha setakat ini masih kurang berkesan.

Sudah sampai masanya kita memikirkan pendekatan yang berkesan serta berfokus kepada strategi-strategi yang boleh membina populasi ternakan.

Dengan kata lain meningkatkan populasi bibit atau lembu pembiak.

Apabila berlaku penambahan bilangan lembu pembiak yang tinggi, maka lebih banyak anak lembu boleh dihasilkan. Dengan ini, penggantian populasi ternakan akan berlaku.

Strategi tingkat pengeluaran daging lembu tempatan



DAGING lembu merupakan sumber protein penting bagi pemakanan dan kesihatan manusia. - GAMBAR HIASAN

Kawasan yang luas diperlukan untuk memperkembangkan aktiviti pembiakan dan menambahkan populasi ternakan.

Malaysia tidak mempunyai kawasan ragutan yang luas seperti di Australia, tetapi memiliki tanaman kelapa sawit seluas 5.85 juta hektar. Sebahagiannya, 12.6 peratus telah digunakan untuk menternak lembu.

Beberapa syarikat serta pengusaha-pengusaha persendirian sedang mengusahakan perladangan integrasi lembu dengan tanaman kelapa sawit.

Jika kita boleh tambahkan lagi kawasan seluas 750,000 hektar (anggaran peningkatan 13 peratus) untuk menternak lembu di ladang kelapa sawit, maka kita boleh tambahkan bilangan ternakan sebanyak 187,500 ekor. Ini berdasarkan nisbah 1 ekor induk untuk 4 hektar.

Ia juga berpotensi menambah pengeluaran daging berjumlah 10,416 tan metrik (dengan andaian 18 induk boleh menghasilkan 1 tan metrik daging berdasarkan kadar kelahiran 56 peratus dengan tambahan sembelihan 20 peratus daripada induk diasing singkir

dan 20 peratus daripada anak betina).

Ini sudah tentu memerlukan penyertaan syarikat-syarikat besar untuk melabur di dalam industri.

Hal ini kerana, syarikat-syarikat perladangan swasta dan senaraian awam memiliki lebih daripada 50 peratus keseluruhan kawasan tanaman kelapa sawit di negara ini.

Secara lazimnya, syarikat-syarikat ini menyatakan bahawa mereka tiada kepakaran untuk menceburi bidang ternakan serta pulangan yang rendah.

Untuk menarik minat syarikat-syarikat tersebut, tiga pendekatan boleh disyorkan bagi mengatasi kekangan yang dihadapi mereka.

Antaranya, mengadakan usaha sama dengan syarikat-syarikat yang berjaya untuk mengusahakan integrasi lembu dengan tanaman kelapa sawit.

Selain itu, melantik syarikat yang berjaya untuk menguruskan atau mengendalikan bisnes integrasi ternakan lembu dengan kelapa sawit.

Syarikat terlibat juga boleh menyewakan kawasan kepada koperasi penternak lembu setempat.

TERNAKAN lembu di negara ini tidak dapat menampung permintaan daging semasa.

Di samping itu, kerajaan boleh membantu menyediakan insentif percukaian tambahan kepada syarikat yang terlibat di dalam pelaburan ini.

Paling penting adalah sebuah polisi diwujudkan untuk setiap syarikat perladangan kelapa sawit mengenal pasti dan menyediakan 20-25 peratus daripada kawasan tanaman kelapa sawit untuk penternakan lembu.

Integrasi ternakan dengan tanaman kelapa sawit dapat juga mengurangkan penggunaan racun (15 hingga 40 peratus) untuk meracuni rumpai kerana ternakan lembu dapat meragut sebahagian daripada rumpai tersebut.

Bukan itu saja, pengurangan penggunaan racun dapat mengurangkan kesan negatif terhadap alam sekitar.

Selain itu, usaha perlu diambil untuk mengatasi penyembelihan lembu betina yang produktif. Antara sebab lembu produktif disembelih adalah untuk menambah pendapatan atau bilangan ternakan dipelihara tidak dapat ditampung oleh kawasan meragut.

Sudah ada peruntukan undang-undang di bawah Akta Binatang 1953 (Akta 647) yang melarang penyembelihan untuk mengurangkan ketirisan induk ternakan.

Strategi-strategi ini boleh dijayakan jika pendekatan bersepadu dilakukan oleh kerajaan dan pihak swasta.

Dengan usaha-usaha yang berfokus ini, kita dapat mempertingkatkan kadar sara diri untuk bekalan daging lembu dan kerbau.

Penulis merupakan Profesor di Fakulti Kesihatan dan Sains Perubatan, Universiti Taylor dan pernah berkhidmat sebagai Ketua Pengarah Jabatan Perkhidmatan Veterinar Malaysia (2017-2020) serta Presiden Persekutuan Persatuan Veterinar Asia (2020-2022)

Gagal Seludup Anjing Baka Rottweiler dari Belanda

MEDIA	RUANGAN	MUKA SURAT	TARIKH
Sinar Harian	Negeri	26	16 Okt

Gagal seludup anjing baka Rottweiler dari Belanda

SEPANG - Tindakan pengimport membawa masuk dua anjing baka Rottweiler dari Belanda, tidak berhasil apabila perbuatannya berjaya dihidu pihak berkuasa.

Menurut Jabatan Perkhidmatan Kuarantin dan Pemeriksaan Malaysia (Maqis) Selangor, kejayaan itu hasil pemeriksaan rutin di tapak pemeriksaan Maqis FCZ Lapangan Terbang Antarabangsa Kuala Lumpur (KLIA) Kargo.

Pengarah Maqis Selangor, Mohd Sobri Md Hashim berkata, pemeriksaan kira-kira jam 5 petang pada Sabtu lalu mendapati, permit import Maqis digunakan adalah meragukan.

"Semakan lanjut berdasarkan nombor rujukan permit dalam sistem iMA-QIS mendapati permit dikemukakan adalah palsu dan disunting menggunakan permit import yang sudah digunakan.



Dua anjing baka Rottweiler didapati menggunakan permit import palsu dirampas Maqis Selangor.

"Kes disiasat mengikut Seksyen 13 Akta Perkhidmatan Kuarantin dan Pemeriksaan Malaysia 2011 kerana mengisytiharkan dokumen palsu," katanya dalam satu kenyataan pada Selasa.

Mohd Sobri berkata, mana-mana pengimport yang mahu membawa masuk anjing kategori baka terhad ke dalam negara perlu mendapatkan surat kelulusan khas daripada Ketua Pengarah Maqis.

Jelasnya, pihak jabatan perlu membuat penilaian

berdasarkan justifikasi membawa masuk anjing yang dikemukakan pemohon sebelum memberikan kelulusan.

"Selain itu, pengimport juga perlu memohon Permit Import dan mematuhi semua syarat yang ditetapkan pihak jabatan.

"Hal ini bagi memastikan tumbuhan, haiwan, karkas, ikan, keluaran pertanian dan mikroorganisma yang diimport ke negara ini bebas ancaman perosak, penyakit dan bahan cemar," katanya.

Sokong Syarat DVS

MEDIA	RUANGAN	MUKA SURAT	TARIKH
MyMetro	Ku Bela	Online	16 Okt



ARIE dan Dr Razli ketika melawat sekitar pusat perlindungan dan kebajikan haiwan.

Pertubuhan bukan kerajaan (NGO) yang melakukan kerja-kerja menyelamatkan dan melindungi haiwan seharusnya menunjukkan contoh kepada masyarakat mengenai amalan dalam memenuhi peraturan ditetapkan agensi berkaitan.

Kegagalan memenuhi peraturan termasuklah tidak memiliki lesen dan permit yang diwajibkan dalam operasi pusat perlindungan haiwan dilihat satu tindakan tidak wajar.

Menurut Presiden Persatuan Haiwan Malaysia (Animal

Malaysia) Arie Dwi Andika, 39, pihaknya mengambil inisiatif memulakan langkah memohon lesen bagi meningkatkan kredibiliti persatuannya selaku pertubuhan yang melindungi dan menjaga kebajikan haiwan.

"Penting untuk operasi pertubuhan atau pusat jagaan haiwan memiliki permit atau lesen bagi mengesahkan kredibiliti selaku pusat perlindungan berdaftar di bawah agensi bertanggungjawab seperti Jabatan Perkhidmatan

Veterinar (DVS).

"Agensi itu antara badan yang memantau dan bertanggungjawab dalam memantau industri berkaitan dengan haiwan demi kesejahteraan manusia.

"Malah agensi ini juga arif dengan keperluan haiwan dan mereka bertindak memastikan kebajikan haiwan juga terjaga," katanya.

Kata Arie, mendapatkan lesen termasuk penginapan, menunggang dan mengepung, tempat perlindungan serta urusan jual beli haiwan hidup dalam kurungan antara yang dilakukan pihaknya.

"Saya mengambil langkah untuk memohon lesen seperti diwajibkan pihak berkuasa kerana itu tanggungjawab kami selaku pihak NGO.

"Malah saya juga mahu usaha kami ini dicontohi rakan NGO lain supaya ada standard operasi yang boleh dipatuhi.

"Bayangkan kalau tiada pihak memantau atau operasi pusat perlindungan tiada badan atau agensi yang memantau, kemungkinan pihak terbabit boleh melakukan apa saja sewenang-wenangnya.

"Senario seperti ini boleh menjejaskan kebajikan haiwan yang dilindungi," katanya.

Kata Arie, pihaknya turut mengesan aktiviti membela haiwan peliharaan yang tidak mengikut garis panduan.

"Tindakan DVS yang bakal mengetatkan lagi empat lesen terbabit iaitu penginapan, menunggang dan mengepung, tempat perlindungan serta urusan jual beli haiwan hidup dalam kurungan, membantu meningkatkan lagi perkhidmatan berkaitan haiwan.

"Selain perlindungan, lesen ini juga dikenakan terhadap pengusaha perkhidmatan berkaitan haiwan yang dijangka mampu meningkatkan lagi kualiti khidmat yang mereka tawarkan.

"Cumanya selaku pihak yang sudah terbabit dalam perlindungan dan kebajikan haiwan sejak 2006, apabila pihak DVS mahu mewajibkan lesen terbabit saya menyokong penuh.

"Tindakan itu juga dapat memantau aktiviti yang tidak sihat terutama pihak berselindung di sebalik aktiviti pusat perlindungan dan kebajikan untuk mengaut keuntungan.

"Harapan saya, usaha mewajibkan pelesenan terhadap aktiviti berkaitan haiwan perlu disusuli dengan penguatkuasaan selain memperhalusi perkara-perkara berkaitan yang mungkin di luar peraturan termaktub.

"Contohnya orang perseorangan yang membela haiwan peliharaan dalam jumlah yang besar dan sebagainya," katanya.

Sementara itu, Pengarah Bahagian Regulatori Veterinar, Dr Mohammad Razli Abdul Razak berkata, pihaknya mahu pemilik pusat perlindungan haiwan, pengusaha pusat penjagaan haiwan dan individu yang terbabit dalam industri lebih cakna dengan peraturan wujud dalam melindungi haiwan di samping menjaga kesejahteraan manusia.

"DVS mewajibkan pihak menjalankan empat aktiviti membabitkan haiwan iaitu penginapan, menunggang dan mengepung, tempat perlindungan serta urusan jual beli haiwan hidup dalam kurungan mendapatkan lesen sejak 1 Jan 2022 lagi.

"Langkah ini selaras dengan Seksyen 15 Akta Kebajikan Haiwan 2015, Peraturan-Peraturan Kebajikan Haiwan (Fi Pelesenan) 2021.

"Penggiat industri perlukan lesen ini bagi operasi pusat haiwan mereka dan tindakan mengabaikan urusan pendaftaran lesen boleh membuatkan mereka terdedah dengan tindakan undang-undang.

"Kewajipan pelesenan ini bagaimanapun tidak terpakai untuk pemilik haiwan kesayangan yang dipelihara di rumah," katanya.

Aktiviti yang memerlukan lesen daripada DVS termasuk hotel dan spa untuk haiwan, kedai binatang peliharaan serta tempat perlindungan haiwan terbiar.

Beliau juga berkata DVS sentiasa memantau operasi pusat berkaitan haiwan dan berharap golongan itu memberi kerjasama.

Katanya lagi, permohonan lesen perlu dibuat secara dalam talian.

Dr Mohamad Razli berkata, pihak terbabit boleh menyediakan dokumen berkaitan dalam memudahkan urusan permohonan lesen terbabit.

Antaranya menyediakan pelan bagi premis terbabit dan memastikan lima keperluan haiwan seperti tempat tinggal yang selesa, diet mencukupi dan

berkhasiat serta hak menerima rawatan daripada pakar atau doktor veterinar bertauliah.-[MYMETRO](#)



LESEN bagi melindungi kebajikan haiwan.



DSV memainkan peranan penting dalam memastikan industri khidmat haiwan menjamin kesejahteraan manusia.



MENUNGGANG juga memerlukan lesen.

Justice For Kopi: Animal Rights Coalition To File Civil Suit, Friday Rally In Putrajaya

MEDIA	RUANGAN	MUKA SURAT	TARIKH
TRP	Malaysia	Online	16 Okt



Credit: Joseff Hoo/FB & @sayalahtuu_/TikTok

A coalition of animal rights groups plans to file a civil suit against the Besut District Council (MDB) for shooting the gentle stray dog named Kopi at the Terengganu High Court next week.

Kopi was shot dead during a stray culling operation on 6 October.

Rajesh Nagarajan of Lawyers for Animal Rights said the groups want the officers involved in the shooting to be charged under the Animal Welfare Act 2015.

Rajesh said they wouldn't accept that their police report was marked as no further action and wanted the police to take action.

Lawyers for Animal Rights filed a police report against MDB at Sentul police station on 15 October with around 100 animal lovers gathered outside in solidarity with Kopi.

Animal rescue groups also want DVS and the Housing and Local Government Ministry to investigate if MDB adhered to laws and

regulations during the council's dog-shooting exercise.

Some claim that government agencies, such as local councils, do not follow laws such as the Animal Welfare Act (AWA).

Under the Animal Welfare Act, anyone who provides regular care and sustenance to an animal is legally considered its owner.

Hence, Kopi was not considered a stray dog because a feeder provided Kopi food daily.

Meanwhile, Selangor Furry Future Association president S Shashi Kumar said the veterinary services department (DVS) should also be held accountable. Shashi said a memorandum will be submitted to the DVS this Friday.

Based on a Facebook post, there would be another gathering at DVS Putrajaya at 3pm on Friday (18 October) to demand an explanation from the department for not taking action. There's also a demand to remove the department for failing to carry out its duties.

A man was wearing a white t-shirt and a face mask at the rally yesterday which drew quite a bit of attention.

On his t-shirt, he had scribbled a message saying "Local councils have the authority to shoot street dogs" under the law.

He also scribbled a challenge to social media user Caprice, challenging the latter to a debate on animal rights versus human rights.

Caprice runs a podcast show on social media where he has interviewed several controversial figures.

What makes this man confusing is that, according to a social media user, he's a known fighter for street animals.

He is allegedly known as "Ustaz Mohammad" and is active in fighting for the rights of street animals in Negeri Sembilan.

The speculation is that he's going against the grain with the message on his t-shirt in a bid to get the government's attention on the plight of strays.

We're not able to verify this speculation at press time, however, Caprice has taken to his Instagram to ask for more details about this man who has challenged him to a debate.

MDB closed the comment section on its Facebook page,

leading many to comment on Kuala Terengganu City Council (MBKT)'s page instead.

MBKT denied its involvement in the stray dog-culling operation. MBKT mayor, Dato Haji Rosli bin Latif said its members have never used firearms in any operations involving wild animals.

He said all stray dog capturing operations use trapping methods following the standard operating procedure. He added that MBKT has no guns to use in any operation.

Rosli reiterated that MBKT was not involved in the stray dog-culling operation and asked the public to stop the accusations.-[TRP](#)

'Kopi' Tidak Sepatutnya Dibunuh – DSK

MEDIA	RUANGAN	MUKA SURAT	TARIKH
Malaysia Gazette	Nasional	Online	16 Okt



Petisyen atas talian membantah insiden terjadi kepada anjing bernama 'Kopi' baru-baru ini.

KUALA LUMPUR – Tindakan Majlis Daerah Besut (MDB) Terengganu yang menembak sehingga mati seekor anjing liar bernama 'Kopi', baru-baru ini tidak sepatutnya berlaku.

Presiden dan Penaung Persatuan Dinamik Sinar Kasih (DSK), Datuk N Sivakumar berkata, tindakan MDB itu tidak berperikemanusiaan kerana anjing kecil itu sebenarnya manja dan tidak membahayakan penduduk sekitar.

"Adakah ini tindakan rambang atas nama aduan anjing liar?

Persoalan mudah, bagaimana anjing liar didakwa MDB ini boleh dinamakan dengan nama 'Kopi' oleh penduduk setempat? Kopi juga dalam beberapa video sangat seronok bermain dengan kucing terbiar di kawasan itu.

"Yang Dipertua MDB, Mohd Sukeri Ibrahim mendakwa, operasi bersepadu ini dibuat selepas aduan gangguan anjing liar dengan 131 tangkapan seluruh kawasan Besut. Tapi adakah benar-benar operasi untuk bantu kurangkan gangguan dan bahaya?

“Lebih baik anda gunakan tenaga, masa dan wang untuk tangkap lebih ramai penagih dadah, mat rempit, penyeluk saku yang mengundang malapetaka kepada rakyat di kawasan itu daripada main bunuh sahaja binatang yang tidak mampu berkomunikasi seperti manusia,” luahnya kepada MalaysiaGazette.

Lantaran itu, Sivakumar mahu Kerajaan Madani mengkaji semula akta berkaitan binatang terbiar dan peraturan untuk menangkap binatang terbiar termasuk prosedur untuk membela.

“Apakah susahnya untuk membela binatang tersebut atau diberikan kepada orang awam yang ingin memeliharanya?

“Ingat ya, Malaysia telah bersetuju untuk tidak lagi menjalankan hukuman mati mandatori dan pemenjaraan sepanjang hayat susulan penguatkuasaan Akta Pemansuhan Hukuman Mati Mandatori 2023 (Akta 846).

“Jika ini boleh buat, mengapa tidak kaji untuk binatang ciptaan Tuhan yang tidak mampu berkomunikasi?,” soalnya.

Beliau turut berharap isu ini dibincangkan dalam Dewan Rakyat yang sedang

bersidang ketika ini.

Tambah beliau lagi, ketika sidang Parlimen ini harapnya isu ini akan dibawa dan dibincangkan bagi mencari penyelesaian terbaik.

“Insiden Kopi ini telah membuka mata rata-rata masyarakat termasuklah dalam kalangan orang Melayu itu sendiri. Banyak anjing terbiar dibunuh secara kejam dan tergesa-gesa. Harap selepas ini boleh fikir sebelum bertindak.

Banyak solusi yang ada tanpa menyakitkan mana-mana pihak termasuk mendapatkan khidmat nasihat daripada pakar sebelum bertindak.

“Saya juga menyambut lebih ramai NGO untuk turut bersuara agar lebih banyak ‘Kopi’ dapat diselamatkan pada masa akan datang,” tegasnya.

Baru-baru ini tular video berdurasi kira-kira satu minit yang dimuat naik di Instagram memaparkan dua kenderaan termasuk sebuah pacuan empat roda pihak berkuasa tempatan (PBT) sedang melakukan operasi menghapuskan anjing liar berkeliaran di daerah Besut.

Difahamkan Jabatan Perkhidmatan Veterinar (JPV) negeri ketika ini

sedang menyiasat penularan
video tersebut. –

[MALAYSIAGAZETTE](#)

TERIMA KASIH

DISEDIAKAN OLEH:

UNIT KOMUNIKASI KORPORAT
JABATAN PERKHIDMATAN VETERINAR